

EKONOMSKO- SOCIJALNO VIJEĆE ZA TERITORIJU FEDERACIJE BOSNE I HERCEGOVINE

Broj: 03-34/19-449/17
Sarajevo, 27.02.2017. godine

Z A P I S N I K

sa 15-116. sjednice Ekonomsko-socijalnog vijeća za teritoriju Federacije Bosne i Hercegovine, održane dana 27.02.2017. godine u 14 sati.

Sjednicom predsjedava Edhem Biber, predsjednik Ekonomsko-socijalnog vijeća.

Prisutni predstavnici Vlade: premijer Fadil Novalić, ministri Jelka Milićević, Vesko Drljača, Nermin Džindić, Šemsudin Dedić i Amir Zukić.

Prisutni predstavnici Poslodavaca: Adnan Smailbegović, Mladen Pandurević, Edin Ibrahimpašić, Senad Džambić, Zoran Gazibarić, Josip Kraljević i Midhat Trezić.

Prisutni predstavnici Sindikata: Ismet Bajramović, Selvedin Šatorović, Salih Kruščica, Pero Obad, Kata Iveljić, Fikret Alić i Sinan Husić

Sjednici nije prisustvovao Denis Lasić.

Pored članova Ekonomsko-socijalnog vijeća sjednici su prisustvovali: Hajrudin Hadžimehanović, Mira Bradara, Damir Šapina iz Federalnog ministarstva finansija, Zlatko Hurtić, savjetnik premijera Vlade FBiH.

DNEVNI RED

1. Usvajanje zapisnika sa redovne 14.(115.) i nastavka 14.(115.) sjednice ESV-a;
2. Informacija o trenutnom stanju Općeg kolektivnog ugovora za teritoriju Federacije BiH:
 - a) opšti;
 - b) granski;
3. Prednacrt Zakona o porezu na dohodak i Prednacrt Zakona o doprinosima;
4. Nacrt Zakona o stečaju (sa osvrtom na Odluku Ustavnog suda Federacije BiH na prethodni Zakon);
5. Izvještaj o radu ESV-a u 2016. godini;
6. Ostalo.

Ad.1

Zapisnik s predhodne sjednice ESV-a usvojen bez primjedbi.

Ad.2

Predstavnici Sindikata ponovio su pokrenuli pitanje proširenja i usvajanja Općeg kolektivnog ugovor, kako je ranije bilo dogovoreno. Insistiraju da se dobije odgovor

kad Opći kolektivni ugovor stupa na snagu i koji su granski kolektivni ugovori potpisani.

Nakon pitanja premijera Vlade FBiH da li je ova tačka dnevnog reda dogovorena na Kolegiju ESV-a, prijedloženo je da se o ovoj temi raspravlja na sljedećoj sjednici, dok se riješe pitanja koja na proširenje Općeg kolektivnog ugovora imaju negativan utjecaj.

Predstavnici Sindikata su nakon kratkih konsultacija predložili:

- 13.03.2017.godine održati tematsku sjednicu ESV-a – Kolektivni ugovori;
- Do 31.03.2017. godine deblokirati pregovaranja oko granskih kolektivnih ugovora, ili u suprotnome aktivirati Mirovinsko vijeće.

Predstavnici Poslodavaca ukazali su na problem reprezentativnosti kod granskih ugovora, te s tim u vezi tražili da se ne navode ultimativni datumi i stavovi.

Ekonomsko socijalno vijeće će 13.03.2017.godine u 14 sati održati vanrednu sjednicu sa tačkom dnevnog reda – Kolektivno pregovaranje.

Ad.3

Prednacrt zakona o porezu na dohodak i Prednacrt zakona o doprinosima prezentirali su pomoćnici federalne ministricе financija, Mira Bradara i Hajrudin Hadžimehanović.

Predstavnici Sindikata smatraju da zakoni nisu prihvatljivi i traže da učestvuju u njihovom donošenju kroz formiranje radne grupe, odnosno kroz socijalni dijalog i delegiranje primjedbi i dopuna.

Predstavnici Poslodavaca saopštili su da su analizirali zakone i napravili računске provjere. Smatraju da su zakoni reformski, u skladu sa zakonima EU i okruženja, koji će imati dosta pozitivnih efekata i predstavljaju solidnu osnovu do konačnog rješenja. Spremni su da podrže prijedloge zakona uz određene korekcije. Predloge za korekcije dostaviće resornom ministarstvu.

Predlažu da se napravi paket zakona u kojima bi trebalo napraviti izmjene, kao što su: Zakon o porezu na dobit, Zakon o finansijskom poslovanju, Zakon o reviziji i računovodstvu, Zakon o profesionalnoj rehabilitaciji invalida, Zakon o zdravstvenoj zaštiti i dr. Predstavnici poslodavaca bi dostavili prijedloge izmjena koje bi trebalo uzeti u razmatranje. Također smatraju da bilateralni i trilateralni dogovori, okrugli stol, razmjena argumenata i sl. može samo doprinijeti kavaliteti zakona.

Napominju da je nedavni regionalni skup vezan za ekonomsko socijalna vijeća stavio BiH na zadnje mjesto po uključenosti partnera u procese.

Pored toga smatraju da pored striktnih rokova treba ostaviti prostora za donošenje provedbenih i drugih akata, te da reformska agenda treba biti cjelovita i jednako se odnositi na sve.

Ministrica resornog ministarstva rekla je da je radna verzija zakona bila na sjednici ESV-a prije nego na sjednici Vlade FBiH. Zakoni idu u javnu raspravu koja će trajati 90 dana kad će svi imati priliku da se izjasne, a osnovanost svakog prijedloga će se razmatrati. Kako ovi zakoni uređuju prihode koji pripadaju kantonima i općinama, oni traže da ovi prihodi budu zaštićeni. Zakonom se proširuje osnovica i ujedno smanjuju stope, radi neutralnog efekta. Svi prihodi moraju biti oporezivi, kao u okruženju, kako bi zbog konkurentnosti bili uporedivi. Odgoda za zakon je već iskorištena i ministrica

je naglasila da se zakoni moraju usvojiti do 01.07.17.godine, te da bi formiranje radne grupe skratilo vrijeme za javnu raspravu.

Ekonomsko socijalno vijeće nije usaglasilo zaključak, već se ostavlja mogućnost socijalnim partnerima da pojedinačno djeluju u rješavanju ovog problema.

Ad.4

Članom 13. Poslovnika o radu Ekonomsko-socijalnog vijeća Federacije BiH predviđeno kada se na sjednici razmatra prednacrt ili nacrt zakona sjednici obavezno prisustvuje ministar koji, u funkciji obrađivača, daje kraće uvodne napomene, nakon čega se vodi načelna rasprava. Budući da sjednici nije prisustvovao federalni ministar pravde, o Nacrtu Zakona o stečaju nije se raspravljalo. Zbog urgentnosti situacije, jer se već vode tri stečajna postupka, neophodna je pomoć resornog ministra koji će ponovo biti pozvan na sjednicu ESV-a.

Ad.5

Izvještaj o radu ESV za 2016. godinu, zbog nedostatka kvoruma, nije se raspravljao.

Ad.6

Što se tiče Prednacrta Zakona o mirnom rješavanju radnih sporova, ministar Drljača je zbog operativnosti predložio da Federalno ministarstvo rada i socijalne politike kao obrađivač ovog propisa održi sastanak sa socijalnim partnerima, na kojem će se usaglasiti tekst navedenog Zakona. Prihvaćen je prijedlog da po dva socijalne pratnera svake delegacije održe sastanak 07.03. 2017. godine u prostorijama resornog ministarstva.

Pod tačkom Razno, Sindikat je naglasio sa socijalni partneri treba da poštuju Sporazum o osnivanju Ekonomsko-socijalnog vijeća i Poslovnik o radu Ekonomsko-socijalnog vijeća i da što hitnije počne sa procedurom donošenja Zakona o ESV-u. Također, Sindikat je zanimala situacija po pitanju izgradnje bloka 7. u Tuzli i bloka Banovići. Objašnjenje je dao ministar Nermin Džindić, koji je rekao da je prije dvije sedmice organizio sastanak na kojem su bili prisutni direktor Elektroprivrede, direktor rudnika iz Banovića, premijer Vlade FBiH i predstavnici ministarstva finansija koje će dati ocjeni i odobriti projekat bloka 7. u Tuli i Banovićima. Nakon toga, projekti će biti razmatrani na sjednici Vlade i upućeni u parlamentarnu proceduru.

Sjednica ESV završena je u 17:30 sati. Održavanje naredne sjednice biće dogovoreno na Kolegiju ESV-a.

Predsjednik Ekonomsko-socijalnog vijeća
Edhem Biber

Zapisnik pripremila:
Snježana Kapić, MBA & Mr.sci